




საშურის მოახბე



№16 (438) 22 აპრილი, ორშაბათი, 2024 წელი

საშურის მუნიციპალიტეტის ხელმძღვანელი პირები გერმანიის საერთაშორისო თანამშრომლობის საზოგადოების წარმომადგენლებს შეხვდნენ

საშურის მუნიციპალიტეტის მერმა თენგიზ ჩიტიაშვილმა, საკრებულოს თავმჯდომარე ნინო ლიპარტელიანმა და საფინანსო-საბიუჯეტო სამსახურის ხელმძღვანელმა ლელა მაჭარაშვილმა წარმოადგინეს პროექტის „კარგი ფინანსური მმართველობა ადგილობრივ დონეზე“ მხარდაჭერით მიღწეული შედეგები.

შეხვედრა კითხვა-პასუხის რეჟიმში წარიმართა და სტუმრებმა ამომწურავი ინფორმაცია მიიღეს, მუნიციპალიტეტში, მონაწილეობითი და გენდერულად მგრძობიარე ფინანსების მართვასთან დაკავშირებით.

შეხვედრის ბოლოს, მხარეები სამომავლო თანამშრომლობაზე შეთანხმდნენ.



ამერიკის ელჩი - საშურში

ამერიკის ელჩმა საშურში ამერიკული კუთხე დაათვალიერა. რობინ დანიგანი ახალგაზრდებს შეხვდა, რომელთა შორის ინგლისური ენის კლუბის წევრები, ამერიკული კუთხის მოხალისეები და ექსესის პროგრამის მონაწილეები იყვნენ. მათ ელჩს საკუთარი გამოცდილება გაუზიარეს და მათთვის საინტერესო კითხვები დაუსვეს. ამერიკული კუთხე საშურში 20 წელია ფუნქციონირებს. ამ ხნის მანძილზე უამრავი საინტერესო პროექტი განახორციელა.



ქვიშხეთში შიდა გზების მოწყობა მიმდინარეობს

შიდა ქართლის სახელმწიფო რწმუნებული ლევან ხარაბაძე საშურის მუნიციპალიტეტის სოფელ ქვიშხეთში შიდა გზების სარეაბილიტაციო სამუშაოებს გაეცნო. ამჟამად სოფელის სამ უბანში აქტიური სამშენებლო პროცესი მიმდინარეობს. ჯამში, დაგეგმილია 3 კმ-მდე გზის საფარისა და სანიაღვრე სისტემის მოწყობა.

სახელმწიფო რწმუნებულთან ერთად ადგილზე იმყოფებოდნენ რწმუნებულის პირველი მოადგილე სიმონ გულედანი და საშურის მუნიციპალიტეტის მერი თენგიზ ჩიტიაშვილი.

„ქვიშხეთი საკურორტო ზონაა და საგზაო ინფრასტრუქტურის მოწყობა მნიშვნელოვანია როგორც ადგილობრივებისთვის, ისე დამსვენებლებისთვის. პროექტის დასრულების შემდეგ, შიდა საგზაო ინფრასტრუქტურა იქნება გამართული, კეთილმოწყობილი და უსაფრთხო.“ - აღნიშნა რწმუნებულმა.

საგზაო სამუშაოები რეგიონებში განსახორციელებელი პროექტების ფონდისა და ადგილობრივი ბიუჯეტის თანადაფინანსებით ხორციელდება რაზეც, ჯამში, 2 მილიონ ლარზე მეტია გათვალისწინებული.



ლევან ხარაბაძემ რეგიონის რესურსცენტრების წარმომადგენლებთან შეხვედრა გამართა

შიდა ქართლის სახელმწიფო რწმუნებული ლევან ხარაბაძე რეგიონის საგანმანათლებლო რესურსცენტრების ხელმძღვანელებს შეხვდა. რესურსცენტრების ხელმძღვანელებმა რეგიონის რწმუნებულს მათი სამუშაო სპეციფიკის, საგანმანათლებლო მიმართულებით რეგიონში დაგეგმილი ღონისძიებებისა და არსებული გამოწვევების შესახებ მიაწოდეს ინფორმაცია.

შეხვედრაზე ყურადღება გამახვილდა საგანმანათლებლო ინფრასტრუქტურის გაუმჯობესების საკითხებზე. რეგიონის რწმუნებულის თქმით, მნიშვნელოვანია მუნიციპალიტეტის თითოეული სკოლას ჰქონდეს შესაბამისი პირობები, რათა მოსწავლეებმა უსაფრთხო და სრულფასოვან გარემოში შეძლონ განათლების მიღება. აღსანიშნავია, რომ ამჟამად შიდა ქართლის რეგიონში 19 სკოლის მშენებლობა-რეაბილიტაცია მიმდინარეობს.

შეხვედრას რწმუნებულის პირველი მოადგილე სიმონ გულედანი და ადმინისტრაციის აპარატის ხელმძღვანელი ქეთევან ციმაკურიძე დაესწრნენ.



ხაშურის მუნიციპალიტეტის საკრებულო განკარგულება № 21

2024 წლის 04 აპრილი, ხაშური

ხაშურის მუნიციპალიტეტის ადმინისტრაციული ერთეულების მიხედვით ხაშურის მუნიციპალიტეტის მონაწილეობით ბიუჯეტის განხორციელებისათვის გათვალისწინებული თანხის მოცულობის განსაზღვრის და განაწილების შესახებ

ხაშურის მუნიციპალიტეტის მერია მუნიციპალიტეტში მცხოვრები მოქალაქეთა მონაწილეობით გეგმავს იმ ინფრასტრუქტურულ პროექტებს, რომლებიც პრიორიტეტს წარმოადგენს კონკრეტულ ადმინისტრაციულ ერთეულებში მცხოვრები მოქალაქეებისათვის, შესაბამისად ხორციელდება მონაწილეობითი ბიუჯეტირების პროგრამის ფარგლებში პროექტის დაფინანსებისათვის განსაზღვრული თანხის განაწილება.

საქართველოს ორგანული კანონის „ადგილობრივი თვითმმართველობის კოდექსი“-ს 61-ე მუხლის პირველი დამე-2 პუნქტების, 85-ე მუხლის მე-3 და მე-5 პუნქტების, „ხაშურის მუნიციპალიტეტის მონაწილეობითი ბიუჯეტის პროგრამის განხორციელების წესის დადგენის შესახებ“ ხაშურის მუნიციპალიტეტის საკრებულოს 2021 წლის 7 სექტემბრის N15 დადგენილების, „ხაშურის მუნიციპალიტეტის 2024 წლის ბიუჯეტის დამტკიცების შესახებ“ ხაშურის მუნიციპალიტეტის საკრებულოს 2023 წლის 18 დეკემბრის N28 დადგენილებისა და ხაშურის მუნიციპალიტეტის მერის 2022 წლის 06 აპრილის N84.842209619 ბრძანებით შექმნილი ხაშურის მუნიციპალიტეტის მერის სათათბირო ორგანოს - მონაწილეობითი ბიუჯეტის საკოორდინაციო საბჭოს 2024 წლის 15 მარტის რეკომენდაციის საფუძველზე ხაშურის მუნიციპალიტეტის საკრებულო ადგენს:

მონაწილეობითი ბიუჯეტის პროგრამის ფარგლებში, 2024 წლის პროექტების დაფინანსებისათვის განისაზღვრული თანხის, 300 000 ლარის გადანაწილება განხორციელდეს ტერიტორიული (განსაზღვრული ზონების მიხედვით) ფორმით, კერძოდ, ხაშურის მუნიციპალიტეტის ალის ადმინისტრაციული ერთეული, ხაშურის მუნიციპალიტეტის ქვიშხეთის ადმინისტრაციული ერთეული: სოფელი სარმანიშვილისკარი, ხაშურის მუნიციპალიტეტის ქვიშხეთის ადმინისტრაციული ერთეული: სოფელი სათიფე.

თითოეული ადმინისტრაციული ერთეულისათვის საჭირო სავარაუდო თანხის მინიმალური ოდენობა 2024 წლისთვის განისაზღვროს 100 000

ლარის ოდენობით.

მუნიციპალიტეტის მოქალაქეთა მონაწილეობითი ბიუჯეტის პროგრამის ფარგლებში, 2024 წლისთვის შესაძლებელია დაფინანსდეს თითოეული ადმინისტრაციული ერთეულში საპროექტო წინადადება, რომლის მინიმალური ღირებულება იქნება 50 000 ლარი, ხოლო მაქსიმალური ღირებულება არ უნდა აღემატებოდეს ადმინისტრაციული ერთეულისათვის გამოყოფილ თანხას.

დაევალოს ხაშურის მუნიციპალიტეტის მერის საფინანსო-საბიუჯეტო სამსახურს, გამარჯვებული საპროექტო წინადადების შესაბამისად მუნიციპალიტეტის ბიუჯეტში შესაბამისი ფუნქციონალური კლასიფიკაციის კოდის მიხედვით ასახოს ასიგნება.

ცნობად იქნას მიღებული, რომ 2023 წლის 06 აპრილის N13 განკარგულებით გათვალისწინებული ხაშურის მუნიციპალიტეტის ადმინისტრაციული ერთეულების მიხედვით ხაშურის მუნიციპალიტეტის მონაწილეობითი ბიუჯეტის განხორციელებისათვის საჭირო თანხები გადმოტანილი იქნა 2024 წლის ბიუჯეტში შესაბამის ტერიტორიულ ერთეულში განსახორციელებელი პროექტის საპროექტო-სახარჯთაღრიცხვო დოკუმენტაციის შესაბამისად და განისაზღვრა 307 831,86 ლარის ოდენობით, მათ შორის, სოფელი ცეცანი 125 528 ლარი, სოფელი თაგვეთი-87 056,86 ლარი, სოფელი წაღვლი -95 247 ლარი

ხაშურის მუნიციპალიტეტის მერიამ, პროგრამით გათვალისწინებული მოთხოვნების შესაბამისად, უზრუნველყოს ყველა სათანადო ღონისძიებების განხორციელება.

განკარგულება შესასრულებლად გადაეგზავნოს ხაშურის მუნიციპალიტეტის მერიას.

განკარგულება ძალაში შედის ხელმოწერისთანავე.

განკარგულება გამოქვეყნდეს ხაშურის მუნიციპალიტეტის საკრებულოს ვებ. გვერდზე www.khashuri.org.ge.

განკარგულება შეიძლება გასაჩივრდეს დაინტერესებული პირის მიერ, გაცნობიდან ერთი თვის ვადაში სარჩელის წარდგენის გზით ხაშურის რაიონულ სასამართლოში (მისამართი: ქ. ხაშური, მ. კოსტავას ქ. N15)

ნინო ლიპარტელიანი,
საკრებულოს თავმჯდომარე

იმსჯელს გენდერული სტერეოტიპების დაძლევის გზებზე

ხაშურის მუნიციპალიტეტის საკრებულოს და გენდერული თანასწორობის საბჭოს თავმჯდომარე ნინო ლიპარტელიანმა, საგანმანათლებლო რესურს ცენტრის უფროს ზვიად გოგუაძესთან და ახალგაზრდული ორგანიზაციის წარმომადგენელ გიორგი მაჭარაშვილთან ერთად, ოსიაურის საჯარო სკოლის მოსწავლეებს და ღირეუტორის მოადგილეს თამარ ახალკაცს უმასპინძლეს.

შეხვედრა გენდერულ საკითხებზე საუბარს დაეთმო. მოსწავლეებმა მიიღეს ამომწურავი ინფორმაცია თემებზე: გენდერული სტერეოტიპები, ძალადობის ფორმები, დისკრიმინაცია სამუშაო ადგილზე.

ხაზი გაესვა სამოქალაქო განათლების როლს დემოკრატიული საზოგადოების მშენებლობაში და აღინიშნა, რომ ცოდნით და აქტიური მოქალაქეობრივი პოზიციით შესაძლებელია გენდერული სტერეოტიპების დაძლევა. საკრებულო, რესურს ცენტრი და ახალგაზრდული სივრცე მოსწავლეებთან თანამშრომლობისთვის მზად არიან.



ზემო სერის ტყე-პარკის მშენებლობის მეორე ეტაპი დასასრულს უახლოვდება

ხაშურში, ზემო სერის ტყე-პარკის მშენებლობა აქტიურად მიმდინარეობს. სულ მალე დასრულდება სამუშაოების მეორე ეტაპი და დაიწყება მესამე ეტაპი.

დღეს სამუშაოების მიმდინარეობა მუნიციპალიტეტის მერმა თენგიზ ჩიტიაშვილმა, მერიის წარმომადგენლებთან ერთად დაათვალიერა.

„სამუშაოების პირველი ეტაპის ფარგლებში, მოეწყო გარე განათებები,



ფანჯატურები, სარბენი და ველო ბილიკები, დამონტაჟდა სხვადასხვა ტიპის დასასვენებელი

სკამები, მაგიდები და ნარჩენებისთვის განკუთვნილი ურნები. მეორე ეტაპის მშენებლობის ფარგლებში მიმდინარეობს ამფითეატრისა და სკეიტბორდის

მოედნის მშენებლობა, შესასვლელი ტერიტორია და ბილიკებს შორის არსებული სივრცეები გავალამაზეთ დოლომიტის დეკორატიული თეთრი ქვებით, პარკის შესასვლელში

მოეწყო სველი წერტილი, რომელიც ადაპტირებულია შშმ პირებისთვის. მესამე ეტაპის ფარგლებში, მოვალეობით კალათბურთის, ჩოგბურთის და ფეხბურთის მოედნებს, დამონტაჟდება გარე გამოყენების ტრენაჟორები და რაც მთავარია, იქნება სივრცე ხელმოწერის ცერემონიებისთვის. დაირგვება უამრავი მწვანე ნარგავი, რაც

მეტ ხიბლს შემატებს აქაურობას“-აღნიშნა ხაშურის მუნიციპალიტეტის მერმა თენგიზ ჩიტიაშვილმა სამუშაოების დათვალიერებისას.

პროექტს ადგილობრივი მუნიციპალიტეტისა და რეგიონებში განსახორციელებელი პროექტების ფონდი ერთობლივად აფინანსებს. პირველი ეტაპის სამუშაოების ღირებულებამ 803 897 ლარი შეადგინა, ხოლო მეორე ეტაპის სამუშაოების ღირებულება 1 158 885 ლარია.



სოფელ ტეზერში, მინისტადიონისა და სკვერის

მშენებლობა დასასრულს

უახლოვდება

„პროექტს, მოსახლეობის ინტერესებიდან გამომდინარე ვახორციელებთ, სკვერის მშენებლობა, ადგილობრივ მცხოვრებლებს გართობისა და დასვენების საშუალებას მისცემს, აქაურობა განსაკუთრებით მოეწონებათ პატარებს, რადგან აქ განთავსდა შესაბამისი სტანდარტებით მოწყობილი, საბავშვო ატრაქციონები. დასასვენებელ სივრცეში დამონტაჟდა სკამები, სანაგვე ურნები, გაკეთდა ფანჩატური, გარე განათება, ტერიტორია მოპირკეთდება ფილებით, იქნება მწვანე სივრცეები. ვზრუნავთ ჯანსაღი წესის ხელშეწყობაზე, მინი სტადიონი და გარე გამოყენების ტრენაჟორები, სწორედ, ამ მიზანს მოემსახურება“- აღნიშნა სამუშაოების დათვალიერებისას, ხაშურის მუნიციპალიტეტის მერმა თენგიზ ჩიტიაშვილმა.

მერთან ერთად მიმდინარე ინფრასტრუქტურულ სამუშაოებს გაეცნო მერის მოადგილე ზვიად ქურდაძე.

სოფელ ტეზერში მინი სტადიონისა და სკვერის მშენებლობის სამუშაოებს მთლიანად ადგილობრივი ბიუჯეტი აფინანსებს, ღირებულება კი 328 500 ლარს შეადგენს.



ძაღლების აპოლოგია

გაზაფხულდა, მზე ერეკება ზამთარს, ისიც მოფაფალებული, ნახევრად დამდნარი, დასუსტებული ფეხით გარბის. მას კი ნელ-ნელა, ფეხდაფეხ მოსდევს თბილი ღებები, გაზაფხული შეუბრალებლად ექცევა მომაკვდავ ზამთარს, ისე, როგორც ზამთარი ექცევა შემოდგომაზე თბილ ღებებს.

ზამთარი ხომ სიცვიის მომტანია, გვცვივა ჩვენ და ცივათ ძაღლებსაც. დათბა და შვებით ამოისუნთქეს, საცოდავად გამოეფინენ ქუჩებში, გზებზე. ისინი ხომ თავიანთი ცხოვრების გზაზე უამრავ უსამართლობას, უსიამოვნებას, შეურაცხყოფას და ტკივილს განიცდიან ბოროტი ადამიანებისაგან. არადა, დაკვირვებისათვის, როგორი მოფერება იციან? სასიამოვნოდ აგილოკავენ თითებს, უნაზესი, ალერსიანი და უმანკო თვალებით გიცქერიან. თუ კარგად დააკვირდებით და თვალეში ჩახედავთ, დაინახავთ რა ერთგულებით („ძაღლსავითა მე ერთგული შენი ვარ“), სიყვარულით და მოკრძალებით მოგჩერებიან. ეს არ არის ბრიყვული ცქერა. თითქოს მოსიყვარულე ადამიანი გიყურებს.

მგლების ერთმა ნაწილმა, თითქოს, რაღაც ცოდვაც ჩაიდინა და ღმერთმა დასაჯა ისინი, ძაღლებად აქცია და ადამიანის ერთგულება მიუსაჯა. უვარგისი და ძუნწი პატრონი რომ ჰყავდათ, მათაც უნდა იცავდნენ, შიმშილით სული რომ ძვრებოდეთ, ადამიანს არ უნდა უღალატონ. მათი სამსახურისთვის არიან გაჩენილი.

ადამიანები ძაღლებზე ზემოქმედებენ. გამოჰყავთ ათასობით ჯიში. სამეურნეო, სამხედრო, სპორტული, სამონადირეო დანიშნულებისათვის. გამოიყენება, აგრეთვე სამწყემსოდ, მარხილში შესაბამელად. მათ შორის გაჩნდნენ ელიტური ძაღლებიც (სერბერნარი, დობერმან-პინჩერი, სეტერი, პოინტერი), საცირკო სანახაობისათვის ყველა ჯიშის ძაღლს იყენებენ. ისინი, ხომ ადვილად იწვრთნებიან.

ჩვენ უბანში ორი ქალბატონი ცხოვრობს ზაფხულობით. ერთს ლამაზი გარეგნობის სპანიელი ჰყავს. დაკიდებულიყურებიანი, გძელი, რბილი ბეწვებით. საუკეთესო მონადირე ყოფილა ფრინველზე, მაგრამ ლამაზმა გარეგნობამ ოთახის ძაღლად აქცია. ინგლისელებმა მისგან ძაღლის პატრონმა, მეორე მდიდარ ქალბატონს პუდელი გულში ჩაუხუტებია - უზრდელი, გრძელბეწვება, თავხედი, შავი კრიალა ჯიშიდან რომ იცქირება და ოქროსბეჭდიან თითებს უკოცნის პატრონს. ალბათ ასეთი ქალბატონები დაინახა რომის იმპერატორმა, ავგუსტუსმა, პროვინციის ერთ ქალაქში ჩამოსულმა, როდესაც იკითხა: - ამ ქალაქში ბავშვები არ იბადებიან? - როგორ არაო - უპასუხეს. - ქალმა შვილი უნდა ჩაიხუტოს გულშიო. (პლუტარქე მოგვითხრობს).

პრივილეგირებული ძაღლები მედიდურად დააბიჯებდნენ. ძაღლური ბუნება დამახინჯებული აქვთ, ზედმეტმა ქებამ, ჯილდობმა ზოგიერთი ადამიანივით გააფუჭა ისინი. სხედან ლოყებში, მანქანებით დადიან. ჩინ-მეღლებიან გაბღენძილ კაცს ემსგავსებიან. ამპარტავნულად გიცქერიან. აი, მაგალითად თავგასიებული სემბერნარი. ერთი ქალბატონი ასეირნებს ხოლმე, ალკებში, თოვლში დაკარგული ადამიანების საძებნელად გამოუყვანიათ. ინგლისელებმა კი დეკორატიულ ძაღლად აქციეს, ძაღლის იღბალი აქვსო“, იტყვიან. ალბათ, ელიტარული ძაღლების იღბალზეა საუბარი. ჩვეულებრივი ძაღლები სამეგობროდ შემოგვიცინიან. განსაკუთრებით საცოდავად გიცქერიან უპატრონო ძაღლები. ცხოვრების სიღრმეში ჩაიხედეს და არსებობისათვის იბრძვიან. არ უნდა იყოს მათ მიმართ ადამიანი მკაცრი და გულქვა. არ უნდა დაივიწყონ მათი ბედი, ლუკმა არ უნდა დაიშურონ.

რკინიგზის სადგურთან, სანოტაროს გვერდით, პატარა მარკეტია, ძაღლების საკვებისათვის. აქვე ორი უპატრონო ძაღლი ცხოვრობს: სამარშუტოს მძღოლების და მგზავრების იმედად. ამას წინათ, ერთი გოგონა გამოვიდა მარკეტიდან, ცელოფანის

პარკით. ძაღლებმა მაშინვე მიიბრინეს მასთან და მიელაქუცნენ. გოგონამ პარკიდან ძაღლების საკვები ამოიღო და ორივე ძაღლს ცალ-ცალკე დაუყარა. მერე სიამოვნებით უცქეროდა, როგორ ახრამუნებდნენ საჭმელს ზამთარგამოვლილი, გაქუცული ძაღლები. ზოგჯერ გოგონას შეხედავდნენ, თითქოს მაღლობას იხდიანო. ეს სიკეთე არასოდეს დაავიწყდებათ. მერე რა მესხიერება აქვთ! ოცი წლის წინ წასული, შინდაბრუნებული ოდისევსი, ვერც ცოლმა, ვერც შვილმა, მხოლოდ საყვარელმა ძაღლმა არგუხმა იცნო. კუდი გაიქიცინა და სიკვდილიც ეწვია. ძაღლი თავის ბრმა პატრონს მრავალი წლის განმავლობაში დაატარებდა, მერე ბრმა პატრონის საფლავზე დაწვა, კეთილი ადამიანების მიტანილ საჭმელს პირი არ დააკარა და მეხუთე დღეს, მზის ამოსვლისას, მოკვდა (შიმშილით მოიკლა თავი).

ასეთი ერთგული ძაღლების ვალში, არც ადამიანები რჩებიან: უძღვნიან ლექსებს, წიგნებს, იღებენ ფილმებს მათ ცხოვრებაზე. ვის არ ახსოვს ავსტრალიური მრავალსერიანი ფილმი „ლესი“. რუსებმა ძაღლის ერთგულებაზე შესანიშნავი ფილმი „შავყურა თეთრი ბიმი“ გადაიღეს ტროპოლსკის მოთხრობის მიხედვით. მთავარ როლში ტიხონოვი. ერთგულ ძაღლს ძველი დაუდგეს დანიაში, ამერიკაში, იაპონიაში. კოსმოსში გაუშვეს. მაღლიერი ძაღლის პატრონი უფრო შორს წავიდა. გერმანელმა გრაფინამ მთელი თავისი ქონება ძაღლს უანდერდა, სულ მცირე 300 მილიონი დოლარი (ეს უკვე მეტისმეტია).

ძაღლებს უყვართ ერთმანეთი, თუმცა ზოგჯერ ჩხუბობენ კიდევაც. ნათქვამია „ძაღლი ძაღლის ტყავს არ დახვესო“. ადამიანები დახვევენ კი არა ერთმანეთს ტყავს გააძრობენ (ზოგიერთ ადამიანზე მოგახსენებთ).

ზოგჯერ ბავშვს მოფერებით, ეტყვიან, „შემამაძაღლოვო“, გაბრაზებითაც ამბობენ. გინებაც უკავშირდება ძაღლს „შემობელძაღლო“, ე. ი. შენი მშობელი ძაღლიაო. ან „ქოფაკს“ უწოდებენ ავ ადამიანს. არცერთი არ არის მართალი, ძაღლს თუ კაცს შეადარებ, უნდა უხაროდეს, რადგანაც ძაღლებმა ზოგიერთ ადამიანზე უკეთ იციან სიყვარულიც, ერთგულებაც და მეგობრობაც. რაც არ უნდა გაუბრაზდეთ, თუნდაც ცემო, არ მიგატოვებს, გაპატიებს. რა ვუყოთ, რომ ზოგჯერ კბენა იციან. ადამიანებმა, რომ კბენა იციან ჩემს მტერს. კბენა კი არა, ერთმანეთს მუსრს ავლებენ...

კინოლოგი რომ ვიყო უკეთესად ჩავწვდებოდი ძაღლის ხასიათს. „გთხოვ ნუ იქნები, მკაცრი და გულქვა, არ დაივიწყო ძაღლის ყისმათი, არ დაინანო ძაღლისთვის ლუკმა, და არც გალახო ღვთის გულისათვის.“ შოთა ნიშნიანიძე

კლიმენტი სუთიაშვილი



(გაგრძელება. დასაწყისი იხ. „ხმ“ 2023წ.#42, #43 2024წ.#2,#3,#4,5,6,7,8,9,10,11,12,15)

თელეები - ადგ., სათესი დიდ ბუკამში.
თელეების ნაკვეთები - ადგ., სახნავი დიდ ბუკამში.
თომა კიკაძის მიწა - ადგ.; იხ. ნანატრის მიწა.
კაკლების ნაკვეთი - ადგ., სახნავი დიდ ბუკამში
კვართისას სერი - ადგ., სერი პატარა ბუკამში
ჩრდილო-დასავლეთის მხარეს.
კიკაძეების ახო - ადგ., ნაწისქვილარი დიდ ბუკამში.
კიკაძეების უბანი - ადგ.; უბანი სადაც კიკაძეები ცხოვრობენ.
კოდის წყალი - ადგ.; წყარო
კოჩაძის ვენახი - ადგ.; დაფიქსირებულია მათიასვილ პაპას მიერ სვიმონ აბაშიძისათვის 1785 წლის 27 მარტს მიცემული ვენახის საბუთში ერთ-ერთ საზღვრად).
კულაძე - ადგ., ტყე დიდ ბუკამში აღმოსავლეთის მხარეს.
ლალუაშვილების უბანი - უბანი დიდ ბუკამში
ლაშე მიწები - ადგ., სახნავი დიდ ბუკამში
ლაშვილების - ადგ., სახნავი პატარა ბუკამში
ლოტუასვილი გრიქოლას მიწა - ადგ.; იხ. მეგოდრიული მათიასვილების უბანი - უბანი დიდ ბუკამში მათიასვილების წყარო - წყარო პატარა ბუკამში

მათიენთ ტყე - ადგ.; ტყე. დაფიქსირებულია 1785 წლის 16 მარტის საბუთში. აბაშიძე ქაიხოსროსთვის ლეკვია ტაბატაძის მიერ გაურდელაში მიცემული „ჩხვიდის კაცი[ს] ივანე ტუკაძისეული ხუთი დღის მიწის“ საძღვარი ბოლოში გრძელდება „მათიენთ ტყის გზამდინ“.
მათიასვილისეული ვენახი - ადგ.; 1785 წლის 14 მარტს სარქისასვილი სარქისამ მიჰყიდა ქაიხოსრო აბაშიძეს: ნასყიდულობის წიგნი და სიგელი დაგიწერეთ და მოგართვით თქვენ, ბატონს აბაშიძეს ქაიხოსროს, ძმასა თქვენსა ევგენს, დავითს, შვილთა თქვენთა დავითს, პატას, სვიმონს, შვილთა მამავალთა სახლისა თქვენისასა, ჩვენ, სურამელმა სარქისასვილი სარქისამა, ძმამა ჩემა იოვანემა, ბიძასვილი ჩემა გაბრიელამა, შვილმა ჩემა ფარსადანამა, არუთენამა და გრიქოლამა, შვილმა და მამავალმა სახლისა ჩემისამა. ასე და ამა პირსა ზედა. მას ჟამს ოდენს დაგვეჭირა და მოგყიდეთ ჩვენი ნებაყოფლობით ბუკამს, ჩვენგანაც ნასყიდი მათიასვილისეული ვენახი. იქით ჩემის ბუკან მათიასვილის ვენახის მიდგამდინ, მეორე გვერდი თქვენი კაცი ლეკვია ტაბატაძის ვენახის მიდგამდინ, ბოლოს რაც ბუკანის იფნები გამოიტანს იქამდინ“. კაკონ[ა]ვილიმა გასპარამ გორელ ზურაბასვილ გრიქოლას მიჰყიდა ბუკამში თავისი „...ნასყიდი ვენახი მათიასვილის კაცისეული“.
მამიაურები - ადგ., ვენახი დიდ ბუკამში სამხრეთით. ფიქსირდება XVIII ს-ის 50 - იანი წლების საბუთში. მასში ნათქვამია: „...ესე ნასყიდობის წიგნი მოგვეცე მე, ჩხვიდემ ქაიხოსრომ, შვილმა ჩემა გორგიმ და სენიამ შენ, ხარატიშვილს თ[ა]მ[ა]ს[ა]ს, ძმას შენს დათუნს, შენს შვილს, თქვენს სახლის მომავალს. თქვენ მიწ[ა] ქონდათ მამ[ა]ურში. მე ახლა... ხელახებით მამიცია სამ დღის მიწა, ქვეით ღ[ა]მ[ა]ბ[ა]შიძის მიდგამდინ, იქით ნოზაძის მიდგამდინ, აქეთ შარამდინ“.
1754 წლის თებერვლის გასულით დათარიღებულ დოკუმენტში აღნიშნულია, რომ „...ნასყიდობის წიგნი და სიგელი დაგიწერეთ და მოგვიცეთ ჩვენ, ჩხვიდემ დავით... თქვენ ბატონის კარის წინამძღვარს გაბადიძეს იოსებს... დაგვეჭირა და ჩვენი ნება-წადილით მოგყიდეთ... ბუკამს... ბლიადე გოდერძი და შვილი მისი ივანე... და კიდევამას გარდა იქავ ბუკამს ათი დღის საზომი მიწა ბარბახაშვილის მიწა და მამაურში მიწა შეგიტაოთ და იქავ ბუბიაშვილის ვენახი ნიკოლოზას მიდგამდინ გზითა და ქვეით მამაურის მიდგამდინ“.

მაჩხაშვილების უბანი - უბანი დიდ ბუკამში
მეგოდრიული - ადგ.; სახნავი, სათესი.
დაფიქსირებულია 1785 წლის 16 მარტის საბუთში. აქ ლეკვია ტაბატაძემ ქაიხოსრო აბაშიძეს ორი დღის მიწა: „ამას გარდა კიდევ მოგყიდე შოლას გაღმა მეგოდრიულში ბუკოლია მათიასვილისა და იესესეული ორი დღის მიწა, თავს ალენიძის სართუმელის მიწის მიდგამდინ, ბოლოს ლოტუასვილი გრიქოლას მიწის მიდგამდინ, ერთი გვერდი ბარბაქაძის მიწის მიდგამდინ, მეორე გვერდი პეტროზაულის მიწის მიდგამდინ“.

მიქელას ახო - ადგ., სათესი, ახო დიდ ბუკამში.
მუნხარი - ადგ., ტყე. იგივეა რაც კულაძე.
ანანაური - ადგ.; სახნავი, სათესი. დაფიქსირებულია XVIII ს - ის II ნახევრის საბუთში: „...ნასყიდობის წიგნი, პირი და სიგელი დაგიწერეთ და მოგვიცეთ ჩვენ, მათიასვილი მამასახლისმა ბერამა... შენ, ტუკაძესა ივანასა და მამუკასა, შვილსა შენსა თამაზასა... დამეჭირა და მოგყიდე ჩემგანაც ალალი ნასყიდი მიწა ნანაურში. იქით ბუკანის ვენახისა მიდგამდინ, აქეთ [მამი]აურის მიწის მიდგამდინ, თავს ტუკაძეების სამამულოს მიდგამდინ, ბოლოსა წყარომდინ“.

ნატბევი - ადგილი დიდ ბუკამში.
ნაცვლისშვილის მიწა - ადგ.; იხ. პეტროზაული.
ნახვეტრები - ადგ., სათესი დიდ ბუკამში
ნახილარი - ადგ., ნახილარი დიდ ბუკამში
ოროკოები - ადგ., მინდორი, საძოვარი პატარა ბუკამში. ოროკოები უნდა იყოს დაფიქსირებული 1785 წლის 16 მარტის საბუთში. კერძოდ, აბაშიძე ქაიხოსროსთვის ლეკვია ტაბატაძის მიერ მიყიდული ვენახის ბოლოს საზღვარი გრძელდება ორკამდინ.
აგრეთვე, ქაიხოსრო აბაშიძისათვის ლეკვია ტაბატაძის მიერ მიყიდული „სასახლე თავისის სანაპიროთი და გამართულობითა“ გრძელდება ორკამდინ (იქვე). 1785 წლის 27 მარტის საბუთში ვკითხულობთ: „...ყოვლისა კაცის მოუღვეარი ნასყიდულობის წიგნი და სიგელი დაგიწერეთ და მოგართვით თქვენ, ბატონს, აბაშიძეს სვიმონს... ჩვენ მათიასვილი პაპამა, ძმამა ჩემა ბერმა, შვილმა ჩემა ნინიამა და სვიმონმა... მას ჟამს ოდენს დაგვეჭირა და მოგყიდეთ ჩვენი სამკვიდრო ვენახი ბუკამს გაღმა. თავს ჯაბადარისშვილის ვენახის ორკამდინ, ბოლოს ბარბაქაძის მიწის მიდგამდინ, მეორე გვერდი კიდევ ბარბაქაძის ვენახის მიდგამდინ“.
1785 წლის 27 მარტივ დათარიღებულ საბუთში კვლავ გვხვდება ორკო: „...ნასყიდობის წიგნი და სიგელი დაგიწერეთ და მოგართვით თქვენ, ბატონს, აბაშიძეს სვიმონს... ჩვენ კოჩაძე ივანემ... დამეჭირა და მოგყიდეთ ბუკამს გაღმა ვენახი ჩვენგანაც ნასყიდი ბაკასა და ნიკოლოზ მათიასვილისეული, თავს ჯაბადარისშვილი არდაზიანის ვენახის მიდგამდინ, ბოლოს ისევ მათიასვილის ბაკასა და ნიკოლოზის მიწის

მიდგამდინ, ერთი გვერდი ალენიძის ვენახის მიდგამდინ, მეორე გვერდი მათიასვილის ვენახის მიდგამდინ. კიდევ ამას გარდა, მოგყიდეთ ჩვენგანაც ნასყიდი ბუკამს გაღმა ვენახი ზაზა მათიასვილისეული, თავს ჯაბადარისშვილის ვენახის ორკამდინ, ბოლოს... ბარბაქაძის მიწის მიდგამდინ, ერთი გვერდი ისევ ზაზა მათიასვილის ვენახის მიდგამდინ, მეორე გვერდი ორკამდინ“.

1834 წლის 4 ოფტომბერს გიორგი ჯობაძემ თავის ბიძას, - ადამა ჯობაძეს, - მიჰყიდა მიწა ორკოზე: „... სიგელი დაგიწერეთ და მოგვიცე მე, გიორგი ჯობაძემა შენ, ბიძაჩემს ადამა ჯობაძეს და შენ შვილს პეტრეს და კიკოლას. ასრე რომ დამეჭირდა და მოგყიდე ჩემი სამკვიდრო მიწა თქვენგან ნარგები ორკოზედ. აქეთ ნუბიერიძი[ს] მიწის მიდგამდინ, იქით ჩვენის სახლის კაცების - ბუქანას და პატას მიწის მიდგამდინ“. მომდინარეობს ოროკოდან, რაც სულხან-საბას მიხედვით არის „მიწა ბაქან - ბაქანად მოვაკებული“.

პაპას წყაროები - ადგ., წყაროები დიდ ბუკამში სამხრეთის მხარეს. კიკაძე ალექსი იყო, რომლის მიერ გაკეთებული იყო წყარო“. პატარა ბუკამი - იგივეა რაც გაღმა ბუკამი პატარა ბუკამის გზა - გზა პატარა ბუკამში პეტროზაული - ადგ.; სახნავი, სათესი.

ფიქსირდება 1785 წლის 16 მარტის საბუთში, როგორც სართუმელის მიწის „მეორე“ გვერდის საზღვარი. ამას გარდა, ლეკვია ტაბატაძემ აბაშიძე ქაიხოსროს იქვე მიჰყიდა „...პეტროზაული ორის დღის მიწა, თავს ისევ ბუქანასა და იესეს მათიასვილის მიწის მიდგამდინ, ბოლოს ისევ აბაშიძიენთ მიწის მიდგამდინ, ერთი გვერდი ნაცვლისშვილის მიწის მიდგამდინ, მეორე გვერდი წვერიანასვილის ბერიკელას მიწის მიდგამდინ“.

სათივეები - ადგ.; სავანეთი წმინდა გიორგი - სართუმელი - ადგ., სალოცავი დიდ ბუკამში
სახნავი, სათესი. დაფიქსირებულია 1785 წლის 16 მარტის საბუთში. ლეკვია ტაბატაძემ აბაშიძე ქაიხოსროს ბუკამში, მეგოდრიულში მიჰყიდა ორი დღის მიწა, რომლის „თავი“ ესაზღვრებოდა „ალენიძის სართუმელის მიწას“.

საჩალეები - ადგ.
სინკას მიწები - ადგ., სახნავი დიდ ბუკამში.
სინკას ნერგები - ადგ., ტყე დიდ ბუკამში.
სკოლის უბანი - ადგ.; უბანი.
სუთიასვილის ვენახი - ადგილი. იხ. ნაზრუვი.
სუფთა მიწები - ადგ., სახნავი სამხრეთის მხარეს. „სუფთა ადგილი იყო“.

ტაბატაძის ვენახი - ადგ.; ვენახი. დაფიქსირებულია 1785 წლის 14 მარტის საბუთში. „...ნასყიდობისა წიგნი და სიგელი დაგიწერეთ და მოგვიცეთ ჩვენ, ბუკელმა მათიასვილი ბერმა და სვილმა ჩემა ივანემა და მომავალმა სახლისა ჩემისამა თქვენ, სურამელსა საქისასვილსა ფარსადანსა და ძმასა თქვენსა ბაღდასარსა და ქაიხოსროსა დაზურაბასა და შვილსა თქვენსა სარქისასა დაიოანესა და მოსესასა და მელქუასა და მამავალსა სახლისა თქვენისასა. ასე და ამა პირსა ზედა, რომე მას ჟამსა ოდენსა დაგვეჭირა და მოგყიდეთ ჩვენი ალალი სამკვიდრო ვენახი. იქით ჩემისა განაყოფისა ბუქანისა ვენახის მიდგამდინა, იქითა გვერდითა ტაბატაძისა ვენახისა მიდგამდინა და ბოლოსა რაცა ბუქანის იფნები გამოიტანს, იქამდინა. ზევით ჩემისა ვენახისა მიდგამდინა“.

ამავე საბუთში სხვაგანაც დასტურდება ტაბატაძის ვენახი: „...მოგყიდეთ ვენახის ბოლოსა, რომ სანაპირო იყო, ქვეით ტაბატაძის ვენახისა მიდგამდინ, იქით გიორგის ვენახის მიდგამდინ“ (იქვე).
ტუძის დღე - დღე დიდ ბუკამში დასავლეთის მხარეს.

ტილიანა - მდინარე
ტყისპირები - ადგ.;
ფიჭვნარი - ადგ., ტყე დიდ ბუკამში
ფშანი - ადგ., მინდორი, საძოვარი დიდ ბუკამში.
დაფიქსირებულია 1785 წლის 8 აპრილის საბუთში. კერძოდ, ბუკმელი ბუქია მათიასვილის მიერ სვიმონ აბაშიძისათვის მიყიდული „წყაროსთან გაღმა ვენახის“ საზღვარი არის „ბოლოს ფშანდინ“.

ფშანი სულხან - საბას მიხედვით არის „მრავალ-ფშა“. ფშას კი ასეთი განმარტება აქვს: „მდინარისაგან წყარო მუნვე ახლო გამოდენილ(ნ)ი, ფშანი არიან მდინარეთაგან მუნვე ახლო წყაროდ გამოდენილინი“.
„უკეთუ მდინარისა მახლობელად, მისგანვე გამოდიან წყარონი, არა უწოდთ წყაროდ, არამედ ფშად“.
ღამბაშიძეების უბანი - ადგ.; უბანი დიდ ბუკამში
ღაღაშვილი - ადგ.; „ღაღაშვილი ითქმის ხევი მცირე“.

ღვინიური - ადგ.; სახნავი, სათესი, ვენახი. 1584 წელს გიორგი ბატონიშვილმა იტრიის ეკლესიას გვერდისუბანში შეწირა „...კიდევ გვერდისუბანს მიმნიასვილი ბუჭიტა და მისნი შვილნი ღვინიურის მამულითა...“.

1785 წლის 16 მარტს აბაშიძე ქაიხოსროს ლეკვია ტაბატაძემ მიჰყიდა ბუკამს „...ნასყიდი ვენახი ღვინიური. თავს... სარქისასვილი სარქისას ვენახის მიდგამდინ, ბოლოს ორკამდინ, ერთი გვერდი კიდევ სარქისასვილის ვენახის მიდგამდინ, მეორე გვერდი ბაქრაძე გოგიას მიწის მიდგამდინ“.

ქარსაცავი - ადგ.;
ყველიჭამია - ადგ., სახნავი, საძოვარი სამხრეთის მხარეს. „ბავშვები ყოფილიყვნენ წასული მწყემსებად. ყველი ჰქონიათ წაღებული შეუნახავი. რომ მისულნან, აღარ დახვედრიათ“.

შოლა - მდინარე დიდ ბუკამში. ფიქსირდება 1785 წლის 16 მარტის საბუთში. ლეკვია ტაბატაძემ „შოლის გაღმა“ სამი დღის მიწა მიჰყიდა აბაშიძე ქაიხოსროს: „ამას გრდა კიდევ მოგყიდე შოლის გაღმა ვარდიასვილისეული სამის დღის მიწა, თავს ხეროდინასვილის სოლომანის მიწის მიდგამდინ, ბოლოს გიორგასვილი გელიას მიწის მიდგამდინ, ერთი გვერდი ბერია მამასახლისის მიწის მიდგამდინ, მეორე გვერდი ბუქანასვილის მიწის მიდგამდინ“.

შოლისპირები - ადგ., სახნავი, საძოვარი სამხრეთის მხარეს. „მდინარე ჩამოდის და ამიტომ ვეძახით“.
ცივწყაროს მინდორი - ადგ., მინდორი, საძოვარი დიდ ბუკამში.
ცხრაწყაროები - იგივეა რაც ბუკმის დღე ჩრდილო-დასავლეთის მხარეს.
ცხრაწყაროს აუზების წყალი - წყარო დიდ ბუკამში
ძველასოები - ადგ., სახნავი, საძოვარი ჩრდილოეთის მხარეს.
ძირები - ადგ., სათიბი დიდ და პატარა ბუკამში

თამაზ ლაცაბიძე

დავით რობაქიძე - ადამიანი, რომლის

უმთავრესი საზრუნავი ცხოველთა დაცვაა

იბადებიან ადამიანები სიკეთის კეთების განსაკუთრებული ნიჭით, გაცნობიერებულად, შინაგანი მდგომარეობით. ჩემი რესპონდენტი ვეტერინარი დავით რობაქიძე-ბიჭი ოქროს გულით და ხელეობით-ასე ვიცნობთ-21 წლისაა და ბევრ ცხოველთამოყვარულს, იმედად მოეხსენება. აღმოჩნდა, რომ ოჯახური ტრადიციის უნებლიე გამგრძელებელია, სხვა სპეციალობიდან, ცხოველების სიყვარულმა და მათზე ზრუნვამ, ვეტერინარიამდე მოიყვანა და დღეს, ყველგან ნახავთ, სადაც ჭირდებათ, ქუჩაში, კლინიკაში, ადგილზე გამოძახებით. განსაკუთრებული თავმდაბლობით გამოირჩევა, ეუხერხულეა კიდევ, იმ სიკეთეებზე საუბარი, რომელიც მისი ბუნების და საქმიანობის თანმდევი. წელიწადნახევარია, წინააღმდეგობების მიუხედავად, ვეტერინარული კლინიკა აქვს. დამეთანხმებით, მკითხველისთვის საინტერესო იქნება, უფრო ახლოს იცნობდეს ვეტერინარ-ტექნიკოს დავით რობაქიძეს, ბიჭს, იმედს

-ვეტერინარიამ რამდენიმე საფეხური არსებობს, შეიძლება იყო ვეტერინარის ასისტენტი, ვეტერინარი ტექნიკოსი, ვეტერინარი ექიმი-ახლა ვარ ვეტერინარი ტექნიკოსი, რადგან ჩემი ასაკი ამ ეტაპზე მეტის შესაძლებლობას არ მძლევს, თუმცა, პარალელურად, ვსწავლობ ინტეგრირებულ სამაგისტრო პროგრამაზე, რომლის დამთავრების შემდეგ, უკვე ფართო პროფილის ექიმი ვეტერინარი ვიქნები.

-არაა გასაკვირი, სამომავლო პროფესიად ვეტერინარიის არჩევა, დედა დემდე ამ საქმიანთა დაკავებული და ოჯახური გამოცდილებები, ალბათ ახდენს გავლენას.

-უცნაური ხასიათი მაქვს, როცა რაღაცას მიჩვენებ, რომც ვეთანხმებოდე, აუცილებლად მაინც სხვა მიმართულებით წავალ. ასე იყო პროფესიის არჩევის დროსაც. სკოლის ბოლო წლებში, ჩემი ოჯახის დიდი სურვილი იყო, მეც ვეტერინარიის გზით წავსულიყავი, რადგან დედა ვეტერინარია და ეს გამოცდილება ოჯახში უკვე იყო, მისი სანათესაოს მხრიდანაც. იმ პერიოდში, ძალიან გამიტაცა ქიმიამ, მინდოდა, ბოლო კურსიდან სასამართლოს დამხმარე ექსპერტი გამოვსულიყავი, აქაც წინააღმდეგობის მიუხედავად, ქიმიის ფაკულტეტზე ჩავაბარე. ამ პერიოდში, ხაშურში, ფაქტობრივად, არ იყო არც ერთი ვეტერინარული კლინიკა, სადაც ძაღლს ან კატას აღმოუჩენდნენ სამედიცინო დახმარებას. იყო მხოლოდ ვეტ. აფთიაქი, რომლის დანიშნულებაც, უკვე ვეტერინარის მიერ დანიშნული მედიკამენტის გაცემა.

-ვეტერინარია როდის იქცა მთავარ საქმედ?

-ქიმიის ფაკულტეტზე სწავლის პარალელურად, ვებმარებოდი მიუსაფარ ცხოველებს და ვსწავლობდი შესაბამის სამედიცინო მანიპულაციებს, მათ დასახმარებლად. სწორედ მაშინ მივხვდი, რომ ძალიან მაღელვებდა ცხოველების ჯანმრთელობის მდგომარეობა. იმისმა გააზრებამ, რომ შემძლო მათი იმედი გავმზადარიყავი, მომცა უდიდესი მოტივაცია და შემაცვლევინა ჩემი პირველადი არჩევანი-სიკეთის კეთება, უდიდესი მოტივაციაა-სხვა რა უნდა გინდოდეს ადამიანს, როცა შენი საქმით სიკვდილს ებრძვი და ამარცხებ და ამას აკეთებ იმ ცხოველისთვის, რომლის სიცოცხლის ხანგრძლივობაც, სულ რაღაც 15 წელია.

ერთი წლის შემდეგ, ქიმიის ფაკულტეტზე შევაჩერე სწავლა და გადავიდი ვეტერინარიის სასერტიფიკატო პროგრამაზე გორში, შემდეგ აგრარულ უნივერსიტეტში წვრილ ცხოველთა სასერტიფიკატო პროგრამა გავიარე და იქვე დავიწყე მუშაობა. პარალელურად, ვმუშაობდი ხაშურშიც და თბილისშიც.

-კლინიკის გახსნის აუცილებლობამდე როგორ მიხვდი?

-კლინიკის გახსნა მართლაც არ მომხდარა. თავდაპირველად, მხოლოდ ჩემი და იყო მხარდამჭერი. კლინიკა სხვა საფეხურია, მეტი რესურსი ჭირდება, ბევრი დოკუმენტაციაა გასაკლელი, სამედიცინო აღჭურვილობა და ასე შემდეგ. ძალიან მოტივირებული ვიყავი, ფართი რომ გამოჩნდა, ხუთი თვე ვიხდიდი ქირას, რომ არ გაექირავებინათ. იმ ეტაპზე, არ მქონდა იმის ფინანსური შესაძლებლობა, რომ კლინიკა გამეკეთებინა. ამის შემდეგ დავიწყე უკვე ყველა იმ მოთხოვნის დაკმაყოფილება, რომელიც ვეტერინარულ კლინიკას მოეთხოვება. გახსნის დღემდე ვვყავი პაციენტები, რადგან უკვე მიცნობდნენ, იცოდნენ, მე ვინ ვიყავი, დედა ვინ იყო და გულწრფელად ვამბობ, რომ ამ კლინიკის გახსნა, არ იყო ჩემი მხრიდან ბიზნესის გათვლა.

- მოსახლების დამოკიდებულება როგორია ცხოველების მიმართ, რამდენად ხშირად მოგმართავენ?

-რადგან ყველა მეორე ოჯახში რომელიმე ცხოველია, შეგვიძლია ვთქვათ, რომ უყვართ ცხოველები, უბრალოდ, არ იციან, რომ ეს ცალკე პასუხისმგებლობაა და განსაკუთრებული მოვლა და ყურადღება ჭირდება. ამ ბოლო დროს, მიდგომა ცოტა შეიცვალა, უფრო მეტად ზრუნავენ და მოგმართავენ კიდევ. ზოგი, პირდაპირ მედიკამენტისთვის მოდის, ზოგი თანხმდება, რომ გარკვეული კვლევები გაიაროს მისმა ძაღლმა. კონსულტაციის თანხას, ფაქტობრივად, არ ვიღებ, და როცა ხედავენ, ცხოველის მეპატრონეები, როგორ ვთავაზობ, უსასყიდლოდ მომსახურებას და დახმარებას, ნდობა უჩნდებათ.

-რა მანიპულაციები კეთდება თქვენს კლინიკაში, რა სერვისს იღებს თქვენამდე მოსული ცხოველი?

-პირველი, ესაა საპროფილაქტიკო ღონისძიებები, ჭიბუზე და ჰელმინთებზე დამუშავება, მათ შორის პატრონისთვისაც. ვაქცინაცია, როგორც ცოფის, ისე კომბინირებული, სოკოვან დაავადებებზე ვაქცინაცია, გემიური ანალიზი, ბიოქიმიური ანალიზები, ჰორმონული ანალიზები. ძალიან რთული იყო, პატრონი დაგვერწმუნებინა ანალიზების აუცილებლობაში, გვაქვს ორ ლაბორატორიასთან ურთიერთობა, სადაც ეს პროცედურები კეთდება. ძალიან მნიშვნელოვანია სისხლის ანალიზის გაკეთება, რაც გვაძლევს ინფორმაციას ავადობებზე, ასევე, პატრონის ჩართულობა ანამნეზის შესაკრებად, რადგან ძაღლს არ აქვს იმის უნარი, გვითხრას, რა აწუხებს.

-ყველაზე გავრცელებული ავადობები რომელია ჩვენს რაიონში?

-ხაშურში, ყველაზე გავრცელებულია სორცისმჭამელთა ჭირი, მინდა გითხრათ, რომ ადამიანები არ ინფიცირდებიან ან ვირუსით და მეორე ესაა პარვო ვირუსი. ორივე, ვირუსულ დაავადებებს შორის, მაღალი სიკვდილიანობით ხასიათდება, ცოფის ვირუსის შემდეგ, თუმცა, ჩვენდა



სასინარულოდ, ხაშურში ცოფის ვირუსი, წლებია არ დაფიქსირებულა, როცა 1996 წელს, 5-6 ადამიანი გარდაიცვალა.

-ოპერაციული ჩარევები თუ კეთდება თქვენს კლინიკაში?

-ჩვენს კლინიკაში ტარდებოდა გემიური ქირურგიული მანიპულაციები-სტერილიზაცია და კასტრაცია, რომელსაც ატარებდა მოწვეული ქირურგი. დღეს ეს სერვისი აღარ გვაქვს, მაგრამ გადაუდებელი ტრავმატოლოგიური ოპერაციები ისევ ტარდება, რომელსაც მე და დედა ვაკეთებთ. სამწუხაროდ, სანამ სამაგისტრო პროგრამას არ დავხურავ, არ მაქვს უფლება ისეთი ოპერაციების ჩატარების, რომლებიც მუცლის ღრუზე ან რბილ ქსოვილებზე კეთდება.

- თავისუფალი დრო თუ გრჩებათ?

- ვეტერინარია ახლა მთელი ჩემი ცხოვრებაა, მთავარი საქმე, რომელიც აღარც დასვენების დროს მიტოვებს და აღარც გართობის. ორი საქმეა სულ ჩემს ცხოვრებაში, რომელიც დიდ სიამოვნებას მანიჭებს-ან კლინიკაში ვარ და ცხოველებს ვეხმარები, ან ქუჩაში ვებმარები. მეორე საქმე, გალობის შესწავლაა, ორი გუნდის რეგენტი ვარ და როგორც ბავშვებს, ისე ზრდასრულებს ვასწავლი გალობას.

- მიუსაფარი ძაღლებიც არიან თქვენი პაციენტები?

-უმეტესწილად, მიჩვენია უპატრონო ძაღლებს დავეხმარო. ადამიანები ხშირად ამბობენ, რომ ძაღლებს ადამიანებზე მეტი უფლებები აქვთ და რეალურად, მათი ცხოვრება ქუჩაში, გაუსაძლისია, ყოველდღიურად დიდი საფრთხის ქვეშ არიან, საქმლის და ელემენტარული პირობების გარეშე.

-დამეთანხმებით, ქუჩები გაივსო მიუსაფარი ძაღლებით და მოსახლეობისთვის ერთგვარ დისკომფორტს წარმოადგენენ. როგორც ვეტერინარი, რაში ხედავ პრობლემიდან გამოსავალს?

- გამოსავალი მასიურ სტერილიზაცია კასტრაციაა, ესაა ყველაზე ჰუმანური გამოსავალი-გამრავლების შეზღუდვა, რადგამ მათი გამრავლება, მათთვის და მათი შთამომავლობისთვის უკვე ფიზიკურ საფრთხეს წარმოადგენს. კანონმა უნდა დაარეგულიროს, მხოლოდ იმ ადამიანებს მიეცეთ ცხოველის ყოლის უფლება, რომელსაც შესაბამისი პირობები აქვთ და შეუძლიათ პასუხისმგებლობის აღება ცოცხალ არსებაზე და მას ქუჩისთვის არ გაწირავს. უნდა გავაცნობიეროთ, რომ მართლაც დიდი პასუხისმგებლობაა, როგორც ფიზიკური, ისე მატერიალური კუთხითაც. პირველი-მასიური კასტრაცია-სტერილიზაცია, მეორე-კანონის დონეზე გაწერილი რეგულაციები-ძაღლის ყოლასთან დაკავშირებით და მესამე, საგანმანათლებლო ჩართულობა-თუნდაც სასკოლო დონეზე ცნობიერების ამაღლება. როცა ხედავ ქუჩაში აუცრელ ძაღლს, უნდა გამოიჩინო მოქალაქეობრივი პასუხისმგებლობა, დაურეკო შესაბამის სამსახურებს, რომ აცრან, სტერილიზაცია ჩაატარონ, ამით შეამცირებ პოპულაციას და პრობლემა მოგვარდება ნელ-ნელა. როცა ცხოველთა დამცველებს ადანაშაულებენ ცხოველების დაცვაში, მათ ყველაზე ნაკლებად უნდათ, რომელიმე ძაღლი რომ ქუჩაში ცხოვრობდეს და საფრთხეს ქმნიდეს, აქ, ყველას პასუხისმგებლობა თანაბრად-ყოველთვის მინდოდა ისეთი ორგანიზაციების შექმნა, რომელსაც დახმარების გაწევა შეეძლება, ცხოველებისთვის, ადამიანებისთვის. ვფიქრობ, ხაშურში მიუსაფარ ცხოველთა დახმარების ცენტრის შექმნას, სადაც მათ უფასოდ დავუხმარებთ და მეტი ბერკეტი მექნება ამისთვის. მიუხედავად იმის, რომ კლინიკა მაქვს, მაინც ქუჩაში მიწევს ამ ძაღლებისთვის დახმარების აღმოჩენა, რადგან იმ ადამიანებს, რომლებსაც ძაღლები უყვართ და გული შეტკივთ, არ აქვთ ხოლმე შესაბამისი რესურსი მათ დასახმარებლად. ეს ორგანიზაცია, მომცემს საშუალებას, მაქსიმალურად შევძლო მეტი ცხოველის გადარჩენა და ამაში ბევრი ადამიანების ჩართვა. ასევე, მინდა დავიწყო ტრენინგები ცხოველთა მოყვარულებისთვის, როგორ გაუწიოთ პირველადი დახმარება, არ მაქვს იმის ფუფუნება, ყველა შემთხვევის ადგილზე შევძლო მისვლა. ეს ტრენინგები, მოგცემს იმის საშუალებას, რომ მეტი დაუცველი სიცოცხლე გადავარჩინოთ.

თ. ჯავახიშვილი



ხათუნა ორჯონიკიძე - ქალბატონი, რომელმაც თავისი ცხოვრება ყვავილებს და მცენარეებს მიუძღვნა

ჩვენს ქალაქში, ერთ ქუჩაზე, ერთმანეთის გვერდიგვერდ, ერთმანეთის მეზობლად, ორმა ქალბატონმა ნამდვილი სამოთხე შექმნა, დღესასწაული მოაწყო ფერადი და ულამაზესი ყვავილებისაგან. ერთ მათგანზე „ხაშურის მოამბის“ გასულ ნომრებში გიყვებოდით. დღეს კი მეორე მათგანი, ფლორისტი, ხათუნა ორჯონიკიძე გვინდა გავაცნოთ მკითხველს.



გამარჯობა, მე ვარ ხათუნა ორჯონიკიძე 50 წლის, ფლორისტი. ჩემი ცხოვრების 29 წელი მიუძღვნა მცენარეებსა და ყვავილებს. მცენარეების მიმართ ინტერესი დიდი ხნის წინ დაიწყო, მაგრამ როგორც მცირე ბიზნესი, მას შემდეგ ვაქციე, რაც ოჯახი შექმენი. ჩემი დედამთილი აჭარიდან მიგზავნიდა იმ დროისთვის იშვიათ და უცხო ჯიშის მცენარეებს და ყვავილებს. მისი და ჩემი ინტერესები თანხვედრაში იყო.

- სად შეიძლება თქვენი ყვავილების ნახვა, რა არჩევანს სთავაზობთ მომხმარებელს?

- ჩვენი ყვავილების დათვალიერება შესაძლებელია ჩვენს Facebook - გვერდზე Khatuna's Flowers და, რა თქმა უნდა, ჩვენს გარდენაში, ხაშურში, მაისის ქუჩაზე მომხმარებელს ვთავაზობთ ყველა სახეობის მცენარეებს როგორც ცხელი: ყინვაგამძლე ყინვაგამძლე ყვავილები, ვარდების, როგორც უძველესი, ასევე საკოლექციო ჯიშები, ფორმირებული და მარადმწვანეები და ბონსაები, რომელიც ძალიან დიდი პოპულარობით სარგებლობს მსოფლიოს მასშტაბით. მცენარეები გვაქვს საბითუმო ფასებში. ჩვენ მომხმარებელს, გამოცდილებიდან გამომდინარე, ვთავაზობთ ისეთ მცენარეებს, რომლებიც მარტივად ეგუებიან ჩვენი რაიონის ცივ კლიმატს. ეს ჩვენთვის ერთ-ერთი პრიორიტეტი და უმთავრესი ფაქტორია, რომ მომხმარებელი მაქსიმალურად კმაყოფილი დარჩეს.

- როგორ ქალაქებსა და რაიონებში ხდება თქვენი პროდუქციის რეალიზაცია და მიწოდება?

- ჩვენი პროდუქცია ყველა ქალაქსა თუ რაიონში არის ხელმისაწვდომი. ნებისმიერ წერტილში შეგვიძლია მისი მიწოდება. ადგილობრივ მომხმარებლებს ვთავაზობთ ადგილზე მიწოდების სერვისს, ვუზიარებთ ჩვენს ცოდნასა და გამოცდილებას ამა თუ იმ მცენარის მოვლის შესახებ, რადგან, მცენარის შეძენის შემდეგ, ყველაზე მნიშვნელოვანი პროცესი მისი მოვლაა. ამას კი გარკვეული ცოდნა და გამოცდილება სჭირდება. 29 წლის განმავლობაში გაიზარდა მომხმარებლის მოთხოვნა, დაიხვეწა და უფრო მრავალფეროვანიც გახდა ყვავილების არჩევანი.



- ქალბატონო ხათუნა, კონკურენტის პირობებში, რა გამოარჩევს თქვენს „გარდენას“?

- დამატებით კიდევ რა ტიპის მომსახურებას სთავაზობს Khatuna's Flower's - ი მომხმარებელს?

- რა გეგმები გაქვთ სამომავლოდ, რა სიახლეებს სთავაზობთ მომხმარებელს?

- რამოდენიმე სიახლეს სიუპრიზად დავუტოვებთ ჩვენს ერთგულ მომხმარებელს, მაგრამ ერთს რასაც გაგანდობთ არის ის, რომ ძალიან მალე, გვექნება ჩვენი ოფიციალური ვებსაიტი, სადაც როგორც ონლაინ მცენარის შეძენასა და გადახდას შეძლებს მომხმარებელი, ასევე ყველა მცენარის შესახებ მიიღებს ინფორმაციას და ცოდნას, რაც მისი მოვლისა თუ ჯანსაღად გაზრდისთვის არის საჭირო.



ვფიქრობ, ეს არის ჩვენი „გარდენის“ გვერდი სოციალური ქსელში, სადაც განთავსებული გვაქვს ყველა მცენარის ფოტო. მომხმარებელს შეუძლია დაათვალიეროს და იქვე გააკეთოს არჩევანი. გვყავს ერთგული, გემოვნებიანი და აქტიური მომხმარებლები, რომლებსაც მინდა საჯაროდ



გადაუხადო უღრმესი მადლობა. აქვე მინდა აღვნიშნო, რომ, არა მარტო ხაშურში, არამედ საქართველოს ბაზარზე მომხმარებლებს ვთავაზობთ ყველაზე კონკურენტუნარიან ფასებს, რომელიც ხშირად მომხმარებლის გაოცებასა და სიხარულს იწვევს.

- რამოდენიმე სიახლეს სიუპრიზად დავუტოვებთ ჩვენს ერთგულ მომხმარებელს, მაგრამ ერთს რასაც გაგანდობთ არის ის, რომ ძალიან მალე, გვექნება ჩვენი ოფიციალური ვებსაიტი, სადაც როგორც ონლაინ მცენარის შეძენასა და გადახდას შეძლებს მომხმარებელი, ასევე ყველა მცენარის შესახებ მიიღებს ინფორმაციას და ცოდნას, რაც მისი მოვლისა თუ ჯანსაღად გაზრდისთვის არის საჭირო.

- რამოდენიმე სიახლეს სიუპრიზად დავუტოვებთ ჩვენს ერთგულ მომხმარებელს, მაგრამ ერთს რასაც გაგანდობთ არის ის, რომ ძალიან მალე, გვექნება ჩვენი ოფიციალური ვებსაიტი, სადაც როგორც ონლაინ მცენარის შეძენასა და გადახდას შეძლებს მომხმარებელი, ასევე ყველა მცენარის შესახებ მიიღებს ინფორმაციას და ცოდნას, რაც მისი მოვლისა თუ ჯანსაღად გაზრდისთვის არის საჭირო.

- რამოდენიმე სიახლეს სიუპრიზად დავუტოვებთ ჩვენს ერთგულ მომხმარებელს, მაგრამ ერთს რასაც გაგანდობთ არის ის, რომ ძალიან მალე, გვექნება ჩვენი ოფიციალური ვებსაიტი, სადაც როგორც ონლაინ მცენარის შეძენასა და გადახდას შეძლებს მომხმარებელი, ასევე ყველა მცენარის შესახებ მიიღებს ინფორმაციას და ცოდნას, რაც მისი მოვლისა თუ ჯანსაღად გაზრდისთვის არის საჭირო.

წარმატებებს ვუსურვებთ ფლორისტ ქალბატონს.

თ. ახალკაცი

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი და გაზეთის რედაქტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27.

E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.

ღ-ით მონიშნული სტატია იბეჭდება დაკვეთით გაზეთი იბეჭდება თბილისში.